



Broj: 0101-5915-10-LOT 1./19
Sarajevo, 09. 09. 2019. godine

Na osnovu člana 72. stav (3) tačka f) Zakona o javnim nabavkama Bosne i Hercegovine ("Službeni glasnik BiH" broj: 39/14) i člana 62. Statuta Univerziteta u Sarajevu, nakon provedenog otvorenog postupka javne nabavke robe: LOT 1. Papir i štampanje obrazaca originala i kopija diploma I, II i III ciklusa studija za potrebe Univerziteta Sarajevu, na preporuku Komisije za provođenje postupka javne nabavke broj: 0101-5915-9-LOT 1./19 od 03. 09. 2019. godine, rektor Univerziteta u Sarajevu je donio

ODLUKU

o dodjeli ugovora drugorangiranom ponuđaču

Član 1.

Poništava se Odluka broj: 0101-5915-7-LOT 1./19 od 18. 07. 2019. godine o izboru najpovoljnijeg ponuđača i dodjeli ugovora o javnoj nabavci robe: LOT 1. Papir i štampanje obrazaca originala i kopija diploma I, II i III ciklusa studija ponuđaču GRAFIČAR d. o. o. Bihać, Plješevićka br. 2D, 77204 Bihać.

Član 2.

Prihvata se preporuka Komisije za javnu nabavku broj: 0101-5915-9-LOT 1./19 od 03. 09. 2019. godine i ugovor o javnoj nabavci robe: LOT 1. Papir i štampanje obrazaca originala i kopija diploma I, II i III ciklusa studija dodjeljuje drugorangiranom ponuđaču Štamparija Fojnica d. d. Prokoški put bb, 71270 Fojnica, čija ukupna cijena ponude iznosi 4.300,00 KM bez PDV-a (slovima: četirihiljadetristotine KM i 00/100), iz razloga što je u otvorenom postupku, ponuda navedenog ponuđača po rang listi odmah nakon ponude najuspješnijeg ponuđača GRAFIČAR d. o. o. Bihać, Plješevićka br. 2D, 77204 Bihać.

Član 3.

Drugorangirani ponuđač Štamparija Fojnica d. d. Prokoški put bb, 71270 Fojnica je dužan u roku od 3 (tri) dana od dana zaprimanja ove Oduke, na adresu Univerziteta u Sarajevu, Obala Kulina bana 7/II, 71000 Sarajevom dostaviti originale ili ovjerene kopije dokaza traženih tačkom 13.1. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Drugorangirani ponuđač Štamparija Fojnica d. d. Prokoški put bb, 71270 Fojnica je u ponudi dostavio original dokaz o ekonomskoj i finansijskoj sposobnosti, tražen tačkom 13.3. Tenderske dokumentacije, pa se ponuđač oslobađa obaveze naknadnog dostavljanja toga dokaza.

Član 4.

Ova Odluka će biti objavljena na web stranici Univerziteta u Sarajevu www.unsa.ba. (Javne nabavke).

Član 5.

Ova odluka stupa na snagu danom donošenja.

Obrazloženje

Nakon provedenog otvorenog postupka za javnu nabavku robe: LOT 1. Papir i štampanje obrazaca originala i kopija diploma I, II i III ciklusa studija za potrebe Univerziteta u Sarajevu (Obavještenje o nabavci broj: 999-1-1-70-3-58/19 objavljeno na Portalu javnih nabavki dana 27. 06. 2019. godine i u „Službenom glasniku BiH“ broj: 45 od 05. 07. 2019. godine), Komisija za provođenje postupka nabavke je **prije održavanja e-aukcije** sačinila početnu rang listu prihvatljivih ponuda ponuđača koji su pozvani da učestvuju u e-aukciji (prema kriterijumu najniža cijena), kako slijedi:

Rang	Naziv ponuđača	Početna cijena KM bez PDV-a
Prvorangirani	Štamparija Fojnica d. d. Prokoški put bb, 71270 Fojnica	11.700,00
Drugorangirani	GRAFIČAR d. o. o. Bihać, Plješevička br. 2D, 77204 Bihać	13.000,00

Nakon uspješno završene e-aukcije, Komisija za javnu nabavku je izvršila rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na slijedeći način:

Rang	Naziv ponuđača	Konačna cijena KM bez PDV-a
Prvorangirani	GRAFIČAR d. o. o. Bihać, Plješevička br. 2D, 77204 Bihać	4.280,00
Drugorangirani	Štamparija Fojnica d. d. Prokoški put bb, 71270 Fojnica	4.300,00

Na preporuku Komisije za javnu nabavku broj: 0101-5915-6-LOT 1./19 od 17. 07. 2019. godine, donesena je Odluka broj: 0101-5915-7-LOT 1./19 od 18. 07. 2019. godine o izboru najpovoljnijeg ponuđača i dodjeli ugovora ponuđaču GRAFIČAR d. o. o. Bihać, Plješevička br. 2D, 77204 Bihać iz razloga što je u otvorenom postupku, nakon uspješno okončane e-aukcije, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Dana 18. 07. 2019. godine, navedena Odluka je upućena poštom svim ponuđačima koji su blagovremeno dostavili ponude.

Uvidom u Obavijest o prijemu pošiljke utvrđeno je da su ponuđači primili navedenu Odluku, kako slijedi:

Ponuđač	Datum zaprimanja odluke
Štamparija Fojnica d. d. Prokoški put bb, 71270 Fojnica	20. 07. 2019. godine
GRAFIČAR d. o. o. Bihać, Plješevička br. 2D, 77204 Bihać	22. 07. 2019. godine

Komisija za provođenje postupka javne nabavke je zapisnički evidentirala da je prvorangirani ponuđač GRAFIČAR d. o. o. Bihać, Plješevička br. 2D, 77204 Bihać dostavio dokaze o kvalificiranosti, koji su traženi tačkom 13.1. i 13.3. Tenderske dokumentacije.

Univerzitet u Sarajevu je umanjio cijene svake stavke iz ponude, koliko iznosi konačno procentualno umanjjenje cijena ponude izabranog ponuđača nakon završene e-aukcije, te je dana 29. 08. 2019. godine ponuđaču predočio navedeno umanjjenje cijena sa namjerom da ponuđaču ponudi zaključenje ugovora, po cijenama koje su umanjene nakon provedene e-aukcije.

Prvorangirani ponuđač GRAFIČAR d. o. o. Bihać, Plješevička br. 2D, 77204 Bihać je dana 30. 08. 2019. godine Univerzitetu u Sarajevu dostavio akt broj: 01-375/19 u kojem je naveo da odustaje od ponuda broj: 01-291/19 I broj: 01-291-1/19 od 04. 07. 2019. godine u postupku javne nabavke robe:

LOT 1. Papir i štampanje obrazaca originala i kopija diploma I, II i III ciklusa studija i

LOT 2. Mape za diplome, te da izjavljuju da nije u mogućnosti zaključiti ugovore pod uslovima navedenim u tenderskoj dokumentaciji i ponudama koje je dostavio.

Komisija za javnu nabavku je zapisnički evidentirala da je izabrani prvorangirani ponuđač GRAFIČAR d. o. o. Bihać, Plješevička br. 2D, 77204 Bihać za nabavku robe: LOT 1. Papir i štampanje obrazaca originala i kopija diploma I, II i III ciklusa studija odbio da zaključi ugovor pod uslovima navedenim u tenderskoj dokumentaciji i ponudi ponuđača.

Uzimajući u obzir navedeno činjenično stanje, Komisija za provođenje postupka javne nabavke je dala preporuku rektoru Univerziteta u Sarajevu da donese odluku o dodjeli ugovora drugorangiranom ponuđaču Štamparija Fojnica d.d. Prokoški put bb, 71270 Fojnica, te da se navedenom drugorangiranom ponuđaču, (ukoliko u ostavljenom roku dostavi originalne ili ovjerene kopije dokaza traženih tačkom 13.1. Tenderske dokumentacije), ponudi zaključenje ugovora o javnoj nabavci robe: LOT 1. Papir i štampanje obrazaca originala i kopija diploma I, II i III ciklusa studija sa umanjenim cijenama svake stavke iz ponude, koliko iznosi konačno procentualno umanjenje cijene ponude drugorangiranog ponuđača nakon završene e-aukcije.

Iz gore navedenih razloga, u skladu sa članom 72. stav 3. tačka f) Zakona o javnim nabavkama BiH, prihvaćena je preporuka Komisije za javnu nabavku broj: 0101-5915-9-LOT 1./19 od 03. 09. 2019. godine, te je odlučeno kao u članu 1. i 2. ove Odluke.

Rektor

Prof. dr. Rifat Škrijelj



Dostaviti:

1. Štamparija Fojnica d.d, Prokoški put bb, 71270 Fojnica
2. GRAFIČAR d. o. o. Bihać, Plješevička br. 2D, 77204 Bihać
3. Prorektor za finansije
4. Generalni sekretar
5. Služba za računovodstvo i finansije
6. Služba za javne nabavke
7. web stranica
8. a/a

Prilog: Zapisnik o evidentiranju odbijanja zaključenja ugovora

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>